

МЕСЯЦА ФЕВРАЛЯ 13-Й ДЕНЬ.

ПРЕПОДОБНАГО ОТЦА НАШЕГО МАРТИНИАНА

На Господи, воззвах: стихиры, глас 2.

Подобен: Егда от Древа:

Приидите, якоже цветы сельными * и рая Божественного благорасленными
цветы, * пеньми венчаем страдальца Христова, * православных овча, * чистоты бо
доброта, * веры жертва, * слава воздержания явися явственно миру. * Темже прият
венец Царствия неприменен.

Имея в сердца твоем огонь, * Мартиниане Богоблаженне, Божественного Духа, *
Сим опалив нечистоты образ отроковицы * обретесе, уязвив сопротивоборца мечем
его, * отнюдуже приразився тебе, явися смех предлежа истинно, * и посрамлен
всескверный.

Огонь убо вжег еси чувственне * противу вражиим ополчениям, преблаженне, *
мысль стяжав вечнаго огня, * сластей твоих разжжение увядил еси зело; * на камени
же нозе твои поставль, преподобне, * на сем храмину создал еси; * по странам
обходя, отче, * терпением твоим венчался еси.

Слава, глас 2:

Радуйся, честная и многочисудная палестинская похвало, * возсия бо нам, яко
пресветло солнце, * и, врага опалив всю силу, уды твоя сожег еси огнем, блаженне,
* в горах бо, и пустынях, и островех всяко искушение тебе принесе: * в пустыни убо
жену тебе представи, * на камени же в мори искуситель искусити тя покушашеся,
мудре. * Но, о Мартиниане преблаженне! * Христа непрестанно о нас моля не
престай, * творящих верою твою память.

И ныне, Богородичен или Крестобогородичен.

Подобен: Егда от Древа:

Грозд всезрелый, Чистая, * Егоже невозделанно во утробе младоносила еси, * на
Древе яко узрела еси Сего висяща, * рыдающи, восклицала еси, зывающи: * Чадо,
сладость искапай, * еюже пьянство всякое страстей отъемлется, Благодетелю, * Мене
ради, Тебе рождшия, * Божественными утепешьми, * яко Благоутробен.

На стиховне Октоиха.

Слава, глас 6. Самогласен:

Испещрен одеждою чистоты и просвещен молитвою Божественною, * живуца
же имея Христа в себе, от Девы рождагося, * женским украшением не восхитися,
ни сласти плотския прият, * но възде усердно на тождеработный огонь, *
Божественный огонь в сердца имея, * и чувственным и временным огнем страстный
огонь попалил еси, * и геенский пламень угасил еси. * Темже молися, Мартиниане
блаженне, * и нам всепагубнаго и вечнаго избавитися огня.

И ныне, Богородичен или Крестобогородичен.

Подобен: Трдневен:

Люди беззаконнейшия, * без правды пригвождающия Тя на Древе, * Дева и
Чистая Мати Твоя зрящи, * якоже Симеон прорече, * утробою, Спасе, уязвляшесе.

Тропарь, глас 8:

Пламень искушений слез теченьми погасил еси, блаженне, * и, морская
волнения, и зверей стремления обуздавший, зывал еси: * препрославлен еси,
Всесильне, огня и бури спасый мя.

НА УТРЕНИ.

Канон, глас 2.

Песнь 1

Ирмос: Во глубине поста иногда * фараонитское всевоинство преоруженная сила, * воплощенное же Слово всезлобный грех потребило есть, * Препрославленный Господь славно бо прославился.

Тайными песнями согласно, приидите, восхвалим постника благочестия днесь, Мартиниана, верно, яко добре и законно постившася, темже и победы прият от Христа венец.

Неуклонно страхом Христовым, отче, ограждаемь, страха вражия, якоже молния, отгнал еси, страшен бо был еси на них терпением воздержания и мечтаньми непоколебимь пребыл еси, прехвальне.

Спасительною силою Христовою искушение тебе демонское нашедшее удобь мимо тече, жены наитие, преподобне, юже спасый, уязвил еси сея ради злоначальника.

Богородичен: Во чреве поносивши без мужа, Чистая, и Дева же Мати в женах еси нетленна, Духом Святым Сына Божия заченши во утробе, Егоже по благоволению Отца родила еси без семени.

Песнь 3

Ирмос: На камени мя веры утвердив, * расширил еси уста моя на враги моя, * возвесели бо ся дух мой, внегда пети: * несть свят, якоже Бог наш, * и несть праведен, паче Тебе, Господи.

Плоти воздержанием отмыл еси мерзости злобу, якоже тину, и обрел еси чистотою ума стези, преподобне, праведных, гладких путей отбег греховных, мудре.

Вжилив сердце твое и разжег страхом и любовию Господнею, плоть твою опалил еси волею огнем вещественным, мудре, сим прописуя нам геенны, преподобне, негасимый огонь.

Ураняя твое тело огнем всеядущим, гонитель явился еси и венечник, уязвляя супостата терпением, очищая же помышлений скверну, преподобне, и убеляя духом, и девствуя плотию.

Богородичен: Зачатие неискусомужно, Божественное Рождение несказанно, паче ума бо, Бог же, раждаемый выше естества. О, Рождества Твоего! О, чистоты Твоея! Тобою бо явился мне Бог в рабии^ш образе.

Седален, глас 4.

Подобен: Скоро предвари:

Преподобный Твой, Господи, * в пощении своем подвиги показуя усердием многим, Христе Боже наш, * имея бо крепость Твою, пребидяше бесы, * посече словом некрепкую гордыню. * Темже Тя молим: спаси души наша.

Слава, и ныне, Богородичен.

Подобен тойже:

Дево Всенепорочная, яже пресущнаго Бога рождающая, * со безплотными Того непрестанно моли * оставление прегрешений и исправление жития дати нам прежде конца, * верою и любовию поющим Тя по долгу, * Едина Всепетая.

Или Крестобогородичен.

Подобен тойже:

Дево Пренепорочная, Мати Христа Бога, * оружие пройде Твою пресвятую душу, * егда распинаема видела еси волею Сына и Бога Твоего: * Егоже, Благословенная, молящи не престай * прощение прегрешений нам даровати.

Песнь 4

Ирмос: Пришел еси от Девы не ходатай, ни Ангел, * но Сам, Господи, воплощься, * и спасл еси всего мя, человека. * Тем зову Ти: * слава силе Твоей, Господи.

Умертвися томителя лести обретение и побеждение прият, еже бо ради победити надеяшися, сею низложися и попирается добле ногами крепко.

Прертерпел еси доблественным нравом Господа, стези управил еси и на камень вселился еси, преподобне, без покрова лежащ, яко на Небо, возшед в малый остров.

Доблественней и красней твои нозе, прехвальне, к течению простерл еси, от страны в страну преходя: бежал бо от града страстей и в безстрастие достигл еси.

Богородичен: Пребыла еси по Рождестве Дева, Препетая, Бог бо Безначальный явился, из Тебе проходя, Емуже вчеловечшуся, подобия образ целуем.

Песнь 5

Ирмос: Света Подателю и веков Творче, Господи, * во свете Твоих повелений настави нас: * разве бо Тебе, иного бога не знаем.

Дверь обрет добродетели, коварство врага, преподобне, явился еси и жизни моя предстатель, души же наставник, погруженной люте бурейю.

Дар Божий прият молитв твоих крепость, вся совершаеши, мудре, преславно, и спасаеши от глубины, и от бури избавляеши страстей души наша.

Богородичен: Во Двою Естеству и Ипостаси Единой был еси и совершен Сый Человек. Несмешен образ или зрак не пострада, Слове, воплощайся, Господи.

Песнь 6

Ирмос: Ко Господу от кита Иона возопи: * Ты мя возведи из глубины ада, молюся, * да яко Избавителю во гласе хваления * истины же духом пожру Тебе.

Силою Божиею укрепль твою душу, прехвальне, не ужаслся еси, надеждею ограждаемь, непреплаваему глубину мудре, прейти, но спасеся, дельфинми носим.

Житие твое Ангелы истинно удиви, демоны посрами и человеки просвети, и жену паче спасл еси, и на стезю пощения привлекл еси.

Подобие твоим трудом и честным подвигом, мудре, твое преитие по достоянию истинно бысть, и взят на враги целомудрия победу, воздержанием змия убив.

Богородичен: Законы о Тебе изнемогоша воистинну естества, Дево Чистая, девствуеши бо, рождаши сопрестольна Отцу и Божественному Духу Слово суща, Бога же и Человека.

Кондак, глас 2.

Подобен: Твердыя:

Яко подвижника благочестия искусна, * и страдальца произволением честнаго, * и пустыни жителя и всельника, * в песнех достойно восхвалим Мартинаиана присночестнаго: * той бо змия попра.

Икос: От конец даже до конец пройде вещание красных добродетелей и Божественных подвиг твоих: млад сый возрастом, в пустынях возжелал еси пожити, пения Христу, псалмы и молитвы воспукая присно; день же и ночь возрастая в болезнях и слезах, чисте житие твое скончал еси и, мудре, злоначальнаго посрамил еси, ты бо змия попрад еси.

Песнь 7

Ирмос: Образу златому, на поле Деире служиму, * трие Твои отроцы небрегоша безбожнаго веления, * посреде же огня ввержени, орошаеми, пояху: * благословен еси, Боже отец наших.

Вещнаго жития уставль себе, монашествоуй, бегай крепко, грады вся и страны обходи, яко достойно, Мартиниан бо учит без печали пети: благословен Бог отец наших.

Твердым хождением Павлову был еси, мудре, шествию образ, любовию гоня, егоже постиг еси воздержания течением твоим, темже и, яко странен мира, познался еси, прехвальне, Царю Небесному и прославился еси верно.

Течение скончаяя пощения твоего, ученик Христов, Духом Божественным проуведев отшествие еже от тела, пояше душею несомненною: яко в руце Твои, Владыко, дух мой и душу мою ныне предаю.

Богородичен: Воду живу подая, от источника Христос источи, в Твою святую, Преславная, утробу вселися, пребыв неслиянн, всех нетления напоив, верою зовущих: благословена еси, Бога плотию рождши.

Песнь 8

Ирмос: В пещь огненную ко отроком еврейским снизшедшаго * и пламень в росу предложшаго Бога, * пойте дела, яко Господа, * и превозносите во вся веки.

Совлекшись чувственне плотския немощныя ризы и мужества взявши одежду и разум, отроковица вопияше, постыщися: Тя превозношаю, Иисусе, во веки вся.

Радуется усердно, воистинну на камени Христове утверждена и постом и верою вооружившись крепко, отроковица вопияше в песнях: Тя превозношаю, Иисусе, во веки.

Яко предложен от тленных и вышняго нетления причастник быв, Богоносе, и Божественное течение скончав, венец прием, вопиял еси: Тя превозношаю, Иисусе, во веки.

Богородичен: Спедый с Небесе за милосердие, Щедре, Боже всяческих, и рожься от Девы, спаси поющия: пойте, вся дела, Господа и превозносите Его во веки.

Песнь 9

Ирмос: Что о Тебе велия и преславная тайна, * Адамова дщи и Вышняго Мати, * Единый к Богу неблазненный верных мост? * Тя немолчными песнями, вернии, Богородицу величаем.

Законы превозшед, отче, пощения, просиял еси, в воздержании всяцем и молитве бдя, постом же, вкупе и чистотою, и говением. Темже твой Венчатель при кончине страданий тя проповедует – Христос.

Достоин Богу явився, яко добре подвиглся еси, всяко бо бремя отверг, легко преплыл еси, отче, великую и тяжкую жития сего пучину и пришел еси в пристанище тихо, прешед твое течение, мудре.

Богородичен: Ты еси истинно, Едина Богородице Приснодево, христиан направление, грешников Предстательница, из Тебе бо благочестно возсия избавление. С Нимже Тебе по долгу в вере песнь скончаваю.

Светилен.

Подобен: Небо звездами:

Ангельскаго жития желая, удалил еси себе в пустынях * и, страсти покорив плоти, равноангелен явился еси, * Мартиниане Богоносне.

Богородичен.

Подобен тойже:

Гора, юже предвиде древле Божественный Аввакум, * присенна, часта, Ты явилася еси, Дево, * и Тя Давид именует усырену и тучну.

Преподобный Мартиниан († ок. 422)

Преподобный Мартиниан († ок. 422) с 18 лет поселился в пустыне, близ города Кесарии Палестинской. Там он пробыл в подвигах и безмолвии 25 лет, удостоившись благодатного дара исцеления болезней. Однако враг преследовал отшельника, наводя на него различные искушения. Однажды женщина-блудница поспорила с развратными людьми, что соблазнит преподобного Мартиниана, слава о добродетельной жизни которого распространилась по городу. Она пришла к нему в ночной час под видом странницы, прося ночлега. Святой впустил ее, так как погода была ненастная. Но вот лукавая гостья переоделась в дорожную одежду и стала соблазнять подвижника. Тогда преподобный Мартиниан вышел из келлии, зажег костер и встал босыми ногами на пылавшие угли. Он говорил себе при этом: «Трудно тебе, Мартиниан, терпеть этот временный огонь, как же ты будешь терпеть вечный огонь, приготовленный тебе дьяволом?» Женщина, пораженная этим зрелищем, раскаялась и просила святого наставить ее на путь спасения. По его указанию она отправилась в Вифлеем, в монастырь святой Павлы, где в строгих подвигах прожила 12 лет до своей блаженной кончины. Имя женщины было Зоя.

Исцелившись от ожогов, преподобный Мартиниан удалился на необитаемый скалистый остров и прожил под открытым небом несколько лет, питаясь пищей, которую ему время от времени привозил один корабельщик, а преподобный плел ему взамен корзины.

Однажды во время сильной бури разбился корабль и к острову, где спасался преподобный Мартиниан, волны принесли на обломках корабля девицу по имени Фотиния. Преподобный Мартиниан помог ей выбраться на остров. «Оставайся здесь,— сказал он ей,— вот хлеб и вода, через два месяца придет корабельщик». А сам бросился в море и поплыл. Два дельфина вынесли его на сушу. С тех пор блаженный Мартиниан стал вести жизнь странника. Так продолжалось два года.

Как-то, придя в Афины, преподобный заболел и, чувствуя приближение кончины, вошел в храм, лег на пол, призвал епископа и попросил предать свое тело погребению.

Блаженная девица Фотиния осталась жить на острове, где и провела в уединении 6 лет, а затем отошла ко Господу. Кончину ее открыл все тот же корабельщик, привозивший ей, как и преподобному Мартиниану, пищу. Он перевез тело блаженной Фотинии в Кесарию Палестинскую, где оно было с честью похоронено епископом и клиром.

Память преподобных Зои и Фотинии празднуется в один день с преподобным Мартинианом.